



蓮香集卷四

東吳張喬喬婧著

南越彭日貞孟陽輯



五言古詩

妾薄命

朝花易值風暮花難照水時人重顏色賤妾非
不美髮紺尚高髻袖長拖豔紫似可君心憐初
疑群伴恥誰知寵易衰玉顏徒為爾寂莫無人

看看將明鏡裏得時衆所羨薄命終何以

其二

賤妾賤亦宜眼看榮貴時君前易為態空房誰
復知淚痕損眉黛愁心傷髮絲即使重相對寧
與朱顏期如彼遭際人雙臉芙蓉脂

遠離曲

遠郎竟何去別郎不得語瑟瑟復悽悽日暮風
吹雨小雨滴花香大雨倒垂楊狂風橫艇子衝

散兩鴛鴦艇子過南浦採蓮獨倚櫓蓮花葉上
紅蓮子心中苦採蓮愛蓮花別郎惜儂家儂家
見郎時桃腮柳葉眉眉梢翠初潤含情羞一瞬
今明雲母屏映出鴉雛髮宛轉取郎憐別郎尚
依然還將見郎貌送郎出門前

周招同何石閭馬景冲彭孟陽

黃虞六羅子開山園讌集雨後品茶

嬾雲帶殘暑積雨顰山眉花流氣貫午篁曼風

參差橋迴薄虹態檻轉明烟姿讌賞良不厭歡
會清無疲茗戰淡成醉幽兮古與期

苦熱行

造物猶趨炎良如市朝士停雲結層輪陽御紆
行轡團柯濯以齊新芭熱如醉地勢附崇岡鬱
烝閉清氣匪無噫喁聲徒為扇其熾中林坐不
娛况乃勞塵事冲夷獨往心誰能竟其志

七言古詩

邯鄲行

黃鶯深枝苦相逼綠窻強起愁迎客一臉殘紅
睇倦凝曾是昨宵傷琥珀殘粧低解那不好瘦
損腰肢怯風早花雨濛濛戶閉香忍笑顫嬌就
卽抱

素馨田

素馨田臨昏鴉紅粉妝問秋霞城中仙人猶化
石城外美人何處花花開如茵艸如織下有枯

體誰得識此花斷送採花人窈窕依稀成古塵
簪即素馨勸即酒即不為歡即惜否

蝴蝶歌

東林蝴蝶西林舞拍拍抱花香不語半破葳蕤
妬合歡染濕粉衣狂栩栩林間有女嬌盈盈單
衫半整來花亭獨立徘徊垂玉手欲折花枝心
恨久揉花碎花不足惜蝴蝶何因與相識怕是
夢中來阿歡躊躇不得入重門錯認紅顏便相

狎癡魂不辨淚啼痕

五言律詩

采蓮曲

瞥見出花邊容與未肯前儂肱生似藕即面恰
如蓮風暖疑為雨月明猶在烟棹歌方欲歇何
處復相連

端州道中

輕帆如馬渡春水到江多鷓鴣石自好羚羊峽

奈何晚嵐侵月暗
晝雨襲晴過
獨愛瀝湖住
鋪錢長綠荷

雨夜

花下雨能香
遙遙送枕涼
不眠嫌燭短
求夢藉更長
慵病渾無賴
閒愁暗自傷
侍兒那解恨
熟睡繡緯傍

泊彈子磯

山高不可扳
月出淡烟鬟
絕壁迴清嘯
澄江落

醉顏人家林杪遠
漁火石梁間
野老無名姓
沙頭自往還

秋日聞彭仲垣梁沃宸方約思何文茲張

百淇諸子登鰲峰絕頂

茲峰何玉立
烟色繞蒼茫
漁艇散城市
人家為水鄉
穿雲浮遠樹
飛鳥極斜陽
遙浦澄如練
禪燈發夜光

夢夢謠呈孟容上座

視天云夢夢照鏡有交光笑我迷中醒憐他覺
後狂虛空盡何處流水去無方寄語參修者人
因小悟忙

清溪道中

灘聲搖細兩山色隔疎松岸迴人遙集雲來鳥
並封石歌時析腹壁古每胎龍鼓棹旋流下回
看面面峰

寶安舟中

招同李定夫王崇道梁

漸子扶諸少年夜泛

客裏快相見招攜忽滿船童多行亦得載重飲
須先歌細綠花岸香酣暈觸天笑中迎後至奇
誕更申前

柬彭孟陽

尊酒獨無緒期君日暮同碧烟浮淺月紅雨亂
飄風蝶使書題翅花郵蕤作筒還教熟蘭炷相
待過簾櫳

長春庵與黃逢永彭仲垣黃虞六諸君子

燕集分得酣字

相見不和南招攜慣兩三天衣鋪坐對人影入
池涵野望餘樓閣林聲靜笑談晚虹低更渴應
羨飲方酣

客裏無佳句非關不寄君艸寒春未綠江濶夢
中分斷酒愁如醉攜香坐嬾薰正懷燈夕月歌

薄楚天雲

秋夜

涼風吹木葉碧落遠雲空曲岼鴉棲柳幽軒露
滴桐荷翻香黯淡竹憂玉玲瓏此夜寒光薄樓
西月隱弓

贈彭孟陽

鬚眉真解意全不染風塵花國無雙士糟邱未
老身青山供短詠明月伴長貧樂與過時序閒

香對錦茵

奉侍陳太史珠江讌客夜同諸侶返濠上

館賦

簾月橫西影殘宵送客過曲心酬顧誤半臂慎
求衣詩館城隅列粧樓水氣肥蘇公如夢蝶莫
擬過隣飛

客中夜雨有懷彭孟陽黃虞六

客裏愁兼雨孤燈坐擁香思深令夢短魂斷恨
更長疊樹垂簷溜流螢向榻光却拋詩酒侶從
此度悲涼

蘇穉恭高士隱居

隱君眠坐處只在曲源中翠點桃花雨香飄蘭
葉風諸峰簾幙潤一洞水雲空小徑經行地重
來又不同

莫問

莫問平生意心期負已多
別來應爾悔看去奈
吾何燭影閒尋夢花時
獨理詞曲闌春思寂掩
徑謝鳴珂

喜彭孟陽還自閩中夜話

照缸渾一夢聽月坐三更
憶爾舊時意深余今
夜情論心愁百結促膝
影雙清莫問近遊處慚
君說姓名

馬

支公宜畜馬武子更能騎
骨換黃金重聲道紫
塞悲香泥沾錦帳花路
積胭脂暫可蘇堤下春
遊繫柳絲

七言律詩

春柳

旭影搖晴拂玉韁春行多半是
斜陽踈牽駿馬
遊人駐近映雛鴉小婦粧絮落自翻飛
霰白葉
長還愛嫩金黃橋頭正有關情處不似羅敷陌

上桑

陳使君招飲粵秀山是日聽詞人譔陳喬
生新製曲有懷喬生

城裏高山翠作窩使君呼酒我能過一泓如鏡
梅粧映萬井凝脂柳帶拖雨後更宜浮月飲風
前偏喜醉仙歌更傳樂府教人唱獨客相思愁
奈何

彭孟陽招同諸子梅溪夜泛今得權字

貼水荷珠萬箇圓更持盃影漾吟邊吹簫坐冷
三更月進艇香籠十里烟害馬已如嚴杖立監
司何必諱專權詩談獨許侵觴政從事隨行僅
備員

贈小姬

薄暮池亭淡晚粧太湖小石坐微涼玉容倚月
真同色翠袖依花共一香行聽柳低鶯不語笑
看風暗蝶猶狂心情少小無閒事恐識相思緒

便忙

盧給諫梁侍御招同胡太史王比部夜飲

陳學士山院聽藥芝小姬歌

探幽喜得可人同
晚過清溪小院東
衫影梅花行帶月
畫樓簫管聽因風
席迎遊鳥侵香冷
歌隔圍屏露板紅
爽籟平今娛夜耳
不妨拚醉伴山公

遊七星岩同

梁漸子何景瑋諸子

賦

誰將白玉界成巢
况復憑陵萬木梢
澗底衣冠人影月
眼中臺閣雉城郊
璿璣恍與辰居接
呼吸應能帝座交
首正可搔天可問
詩囊開盡試推敲

其二

荷香千頃浸漫漫
洞口繁陰翠露溥
蝙蝠舞頻深處熱
琉璃光淡暗中寒
憑將石乳醒春醉
袖

蓮香集 卷四
得流霞拌晚餐聞道清音山水發更尋鐘鼓禮
仙壇

無題四首寄呈彭孟陽

桃花如面趁花朝舉袂臨風每欲飄刺史十年
曾結幣仙郎終日教吹簫釵橫綠墮春雲鬢酒
盡紅生暮雨潮奈可但隨流水去故饒芳恨寫
芭蕉

其二

火熟爐心只自盟低回歌舞日含情綠珠是處
供腸斷紅拂何人可目成厭雨好花容易淚濕
香雛蝶不論晴芳條折贈知誰屬但唱章臺柳
數聲

其三

曲闌香散碧烟澄起捲珠簾不那凭心比流蘇
愁獨結身如飛絮弱難勝王孫步障移鴛枕
子羅幃語鳳燈夢破却還雙淚墮單衫黃杏染

紅水

其四

青銅相照羨塗黃安用長蛾妬月光鸚鵡但知
傳客姓畫眉誰解譜宮粧油車住向西陵栢玉
腕同攀廣陌桑怪底秦家有夫婿並頭花底睡
鴛鴦

孟陽約予同濟瀧水為他侶促即解維留
詩見意

買得蘭舟待所思却扳荷葉寫將離清流濺石
去復去紅頰啼烟知未知前路行踪應借問隔
江潮信尚堪期君來倘覓畝香處認取同衾解
佩詩

咏水仙

為愛冰魂日日過風前慵舞奈他何光依顧兔
疑奔月羞擬牽牛與渡河瓊珮夕留窮石影葯
房寒隔洞庭波人間似亦看曾見三五橫塘晚

踏歌

珠江午日

梅子磯邊水戲新粧成競渡綴羅巾樓船盡載
佳公子簾幙齊開絕豔人續命每看雙縷臂臨
風難辨衆香身烟銷晚見蛾眉月疑是湘君此
效顰

漫述

自憐孤韻不投時嬾學逢迎惹世嗤筆墨有靈

偏伴我風花無力欲依誰空宵卧病禪心進幽
夢侵愁瘦影知得遇梁鴻與偕隱百年寧負住
山期

閱虎邱志

披圖覽記興猶狂卧裏看山足徜徉說法石依
檀板促冶遊人亂墻燈光魚從小港聽歌出花
近孤墳作意香誰向色空曾得悟生公臺畔墓
真娘

席上贈陳使君

絕代詞人美丈夫豪吟簾月掛珊瑚
官方幾借詩城律兵法誰如筆陳圖
海外竒文傳鱷徙東中長技惜龍屠
君恩定識蛾眉妬譜向閨幃問有無

懊懷詩和彭孟陽三首

自來恩怨本無端愛即如珠在玉盤
妾命以知飛絮薄即心新作落花看
紅箋未許傳方勝繡

帶空教破合歡誰信棲鴛春夢穩等閒平地有
波瀾

其二

每憶雙棲畏影單迫人霜月五更寒
若為別去終成夢祇是情深易作瀾
香豔乞憐心冷盡繁華驕寵意銷殘
愁來欲採忘憂艸不佩時難佩亦難

其三

滿腔離緒淚成瀾半燭殘燈伴曉寒懷抱不開
今日事夢魂猶泥昨來歡銀綃忍割同心帶寶
鏡愁窺並影鸞一尺白羅聊寫恨憑君時展枕
前看

贈羽卿小姨

歌舞初成解語時這人牽恨泥人思嬌鶯調滑
啼猶嬾新柳眠低醒較遲閉月幾何顰淺淡行
雲是處怯支持銀箏一曲煩相命脉脉春情豈

客知

寶安通次作

比來無日不思鄉駕得還舟喜欲狂雨過黃灣
春有色艸齊青岼暖生香夢騎莊叟孤飛蝶路
指僊人五色羊到日芭蕉應鬪豔綠陰深處出
紅粧

貽彭孟陽三十初度有序

臘之三日彭子誕辰余偕劉玉真徐楚

雲歐瓊芝江襄雲黃文燕鄧羽卿蔡端
卿諸同好載酒祝讌兼呈以詩彭子就
席賦答云眠雲嘯月此身閒三十知名
未出山聖主可能容野傲佳人偏自狎
癡頑香羅簇簇花為隊綺席層層錦作
關一石醉沈仙子勸丹砂何羨駐紅顏
時同集
黃虞六姚穀符諸詞客
各有分賦

華年三十任時名走馬章臺意氣橫醉倒花間
天月出興來筆下海濤生綺羅細膩知寒暖壇
坵風騷在品衡世法俗緣都脫落惺惺聊復解
多情

舟中臨帖呈

龍門鳳閣足經營柳脚顏頭盡有情只向夫人
為弟子誰從舞女得神明危峰阻日流空遠素
月鏤金耀腕輕不是題書分大醉如何羊婢易

成名

落花詩

半是癡情半是狂
花前長日任淒涼
潘郎過去猶供果
荀令還歸已失香
夢裏乍時誇彩筆
睡來徒復把殘粧
憑君莫笑春遊客
只合教人幾度忙

其二

飄飄紅淚送多情
杜宇催啼不住聲
楚客墻東

春已改漢宮斜上月
只偏明傷心酒盞千
縉盡撲面香塵一陣
輕最恨歲華便相見
泥人如夢竟何成

其三

烟鬟撩亂晚雲天
九十光陰又一年
流水逐來還逐去
遊絲解繫復能牽
鶯簧漫轉禁愁聽
羯鼓狂搗盡醉眠
惆悵自嘲還自解
來春應結好姻緣

秋宵病起

病起恹恹嬾試粧，不勝清瘦怯羅裳。已知多恨逢秋色，况復無聊對夜長。滿院金風啼露葉，一天碧月咽寒螿。儂家有願非歌舞，顧影行吟久自傷。

東洲病劇寄一牋與孟陽兼附以詩

久薄青樓浪子名，斷腸芳信寄卿卿。悲歡共歷真如夢，新舊為恩好認情。皎日只愁光別照，烟

花那恨艷飄英。高天下地君同我，屏燭書燈各自明。

五言絕句

夏日山居

却暑銷清茗，忘憂引素琴。開軒松籟入，風味屬知音。

贈隣姬

笑臉流霞瑋，歌櫻吹雪香。盈盈花下立，多少斷

人腸

咏手釧

印臂圍紅暈搔頭壓玉翹燈花添夜喜挑剔數
聲搖

冬日招彭孟陽尋梅分賦

愛此孤根好蕭疎玉滿林低徊不知去總為歲
寒心

何石閭先生隱居

鳥道懸檐外山泉繞竹闌不妨高卧者長有白
雲看

謝客詞

多謝驕貴郎無為盛嗔侗是笑春花怕向酸
風嫁

古意

挽住紫遊韁教人說恨長若教儂自說多恐斷
君腸

其二

挽住紫遊韁聽儂說恨長若教儂盡說多恐斷
君腸

悵別詞

送郎揚子江郎似江心浪一夜起秋風頭白從
飄蕩

其二

計得見即時嫁郎如未久郎遊幾度過看取門

前柳

其三

大姑與小姑認郎已如故若道夢隨郎儂亦曾
知路

離恨曲

玉壺雖已缺一片為君存欲別千重意人前不
敢言

其二

楊柳條條弱離人夜夜情妾心絲不斷羞眼一
燈明

懊儂曲

歡言月時未月滿柳香處却被月愁儂孤照儂
無語

其二

夜虛悄無人房櫳深未入微步佇瑤堦暹來羅
襪濕

夜夜曲

憶得少小時隔別緣儂長認取折花痕荼薇刺
即掌

其二

長街燈影明即在花棚許群去勿群來認即不
敢語

子夜曲

人人見猶憐莫漫愁嗔妬整衣出房櫳慙多復

停步

歡聞歌

三五踏歌聲心知是郎過
儂倚白玉簫樓上遙
相和

其二

坐皺輕羅衫抱郎枕
儂臂郎看雙袖痕為誰染
紅淚

婦薄命

大舅嫁小姑是宜郎
所棄父母若在時黃金作
簪珥

醒酒歌

世人多醉者酒亦不清高
未識醉中趣空為酒
所勞

讀曲歌

與郎好猶不及琵琶時
得郎迴抱

其二

嗔郎狡萬願有窮期惑郎情不飽

歡聞變歌

石可轉歡入他儂宅儂曾眼中見

六言絕句

通舟偶述

枕畔燈明月明夢裏風聲水聲萍跡浪遊乘興
通舟回首多情

其二

日色朦朧隔雨烟村濃淡皆山去去來來無定
朝朝暮暮長閒

七言絕句

春日偕女伴歐瓊芝李弱仙鄧羽卿過白
衣庵

結伴尋芳破碧烟款關何必為叅禪空門亦有
春來意種得桃花照玉泉

其二

蓮香集 卷四
驀入花闌路幾了浪尋天女訪烟霞相逢便合
三稽首願向雲中學散花

春日山居

二月為雲為雨天木綿如火柳如烟烹茶自愛
天中水不用開門汲澗泉

春雨潮頭百尺高錦帆那惜掛江皋輕輕燕子
能相逐怕見西飛是伯勞

玉蘭花

莫擬輕舟去沅湘春來殊愛雪枝香東闌柳絮
顛狂甚總向堦前賺謝娘

洞房曲

芙蓉雙臉玉微紅恰在金屏翠幙中蝶翅舞餘
春粉熟闌干十二鎖香風

寶安寄彭孟陽

有夢花前點酒籌覺來深院閉風流人間只恨

桃源路不道桃源人更愁

偶成

評詩讀曲費沉潛
艷緒新詞惹恨添
自笑錯耽佳句癖
又從綉帙見香奩

將離曲

子夜徵歌持底忙
奈何花月是離觴
春江千折牽遊舸
若箇津頭柳線長

其二

香作飛塵玉作烟
輕寒微月養愁天
梅花本是江南弄
一疊關山倍可憐

繡花蝶寄孟陽

一幅鮫綃萬轉絲
入歡懷袖莫教離
繡成醉蝶迷香意
似爾癡魂夢到時

白燕

春風曉夢寒無侶
紅綠分明何處所
斜過香徑少人知
坐愛梨花藏暗語

春日同

蘇裕宗曾自昭姚穀符諸

子賦得月下梨花雙白燕

杜娘瑞雪何郎粉清韻凝香不染塵良夜花光
聯縞袂風流占斷漢宮春

珠江送盧都諫還省

花掖彤雲閃畫旗蘭舟送酒怨將離河橋別後
青青柳肯為他人輕折枝

戲贈

倚闌閒愛綠荷香笑殺多情面覘即雙眼盼人
不肯語却教池畔看鴛鴦

無題示彭孟陽

鴛鴦文彩日相依水舞花眠漾夕暉如此羽毛
深共惜可能孤逐野鷄飛

其二

生同少伯五湖通玉骨香魂願不違妬殺真娘
墓前雨又隨神女峽中飛

送彭孟陽遊閩

江頭黯黯別魂銷
一棹東分怨落潮
春事正來人又去
可憐虛度好花朝

其二

邀君小駐也難留
風緊萍開不自繇
一舸行蹤輕似葉
如何載得两天愁

感事

西子湖頭並采蓮
昭陽宮裏便如仙
新承恩寵

應誰妬敢學顰眉為乞憐

偶書所見

江頭野鴨太顛狂
亂入荷塘逐藕香
莫訝無情任來去
花深原有紫鴛鴦

新秋作

山容初瘦月容肥
夜久涼風入翠衣
睡破井梧陰兩葉
半床清夢一聲暵

七夕

四角闌干自了然
風吹星宿繞檐前
誰家夜冷支機石
但向河橋鵲翼邊

其二

望到今宵喜定
嗔一年此夕說相親
天仙遇合猶如此
何況浮萍握手人

雙聲曲寄孟陽

重陽啼別妾
悲秋迢遞秋
心寄遠愁天際
紙鴛吹斷線
回頭空憶此風流

其二

隔紙屏風畫紫驪
與卿得見實難期
一劑黃蘗兼紅豆
苦殺相思只為伊

風前睡

碧陰涼至自開幃
夢破過從近有誰
香片亂飛都不掃
入懷翻愛是風姨

贈隣姬與所歡入道

誰更章臺挽柳絲
為憐甘露澹楊枝
修成共命

遡陵鳥不似鴛鴦半世癡

春望謠

十字街頭結綺樓半垂珠箔看春遊
花前認得金羈馬約鬢簾中笑上眸

其二

月夜東城門半開西樓嬌女踏歌回
新衫若箇生光彩今日迎春進酒來

楚燕謎

纖腰微步玉精神妙舞輕盈掌上身
寵壓漢宮生富貴嬉春傾動百千人

離恨曲寄孟陽

伏枕春寒病轉加遊魂難得到天涯
無端見面無端別慚愧庭前並蒂花

其二

剪剪輕風冷篆烟離思縈恨夜如年
無端見面無端別憔悴春懷惱薄緣

其三

聚散如雲欲恨誰為寒為暖翠衾知無端見面
無端別愁絕閒香詠咏時

其四

款細清宵祇自親於今歡笑總成顰無端見面
無端別悔不為君絕念人

鬪艸辭和

砌下羅裙濕露香芳莖時復冒衣裳小姨只鬪

忘憂艸那識懷中有斷腸

宮詞

月自朦朧艸自春粉痕啼損任羅巾君王只向
昭陽殿歌吹時侵愁夢人

其二

閒把忘憂繞砌栽日長無賴得徘徊君恩於妾
元非薄幾夜龍輿入夢來

碧雲謠

麻姑潮至正淹身休訝潯陽信不真為報赤闌
橋道士紅娘畱難白夫人

竹枝詞送人還吳

春潮翻海沒龍宮八字帆拖打面風一夜送郎
江上去不教畱看荔支紅

其二

落花寒食送郎時澀舌鶯雛語較遲長歌短曲
郎都解只學郎聲唱竹枝

漫述

朱門粉隊古相輕莫擬侯家說定情金屋貯嬌
渾一夢不如寒淡嫁書生

夜愁曲

瘦損花枝春病成燈寒屏暗獨愁生相思夢破
巫山雨滴響窗前和淚聲

歎花

一株繁艷倚風斜轉眼飄零滿地霞春限無情

愁斷送可憐開落幾多花

東洲寄彭孟陽

吞聲死別如何別絕命迷離賦恨詩題落妾襟
和淚剪終天遺此與君隨

詩餘

江南子

春景

曉日上簾櫳射透青山鏡影重垂柳半池花又
落飄紅十二闌干度軟風草色綠茸茸暖水

寒烟淡復濃欲試羅衣還自怯愁慵遠近樓臺
望眼中

風入松

憶舊

海棠憨睡晚風時柳帶垂垂捲簾不語羞英母
任落花透濕胭脂戲逐鴛鴦尋夢更欲蝴蝶相
期山園春艸又芳菲淚雨凝枝憑闌細數殘
紅片乍陰晴雲雨絲絲只是偶然心事如何動
上雙眉

望江南

晚泊

秋風晚烟草冷斜陽涼透天涯雲浸碧山搖澗
影鏡吞光孤艇繫垂楊橫水渡人去蘧聲長
枕上不知通是夢衾前空漬淚痕香螢火照漁
梁

如夢令

閨情

粧罷碧漪軒後無語倚闌長晝偷眼覷鴛鴦
地翠眉雙顰消瘦消瘦人遠小春時候

重刻蓮香集續編卷五

龐祖如以張喬美人畫蘭見贈詩以答之
有序

友人龐子祖如有張喬美人畫蘭一幅上有
陳文忠公桐君所題詩詩曰谷風吹我襟起
坐彈鳴琴難將公子意寫入美人心公嘗於
南園五先生抗風軒集名流十有二人開社

喬每侍公弄筆墨賦詩有送

詩

云春雨潮頭百尺高錦帆那惜掛江臯輕輕
燕子能相逐怕見西飛是伯勞又有送李山
人煙客詩云子夜徵歌特底忙奈何花月是
離觴春江千折牽遊舸若箇津頭柳線長又
云香作飛塵玉作烟輕寒微月養愁天梅花
本是江南弄一疊關山倍可憐皆清婉多風
得詩人比興之旨喬既工於詩復美顏色歌

舞妙絕一時故為諸名士大夫所愛每有讌
集喬必與年二十有一病垂危彭孟陽文學
以數百金贖之附於千金市駿骨之義喬竟
不起孟陽葬之於白雲山麓梅花坳送者數
十百人下至緇黃人詩一章植花一本以表
之號曰花冢祖如嘗至其處以為可與花田
相頡頏云文忠忠臣喬庶姝其書與畫世不
多有祖如藏此四十餘年矣丁卯秋偶為予

言及其事遂割愛相贈蘭凡兩叢生石上葉
長者五短者八九花已開未開者有七葉細
花柔宛有露笑煙啼之致蘭根旁有小印一
文曰逢永逢永者黃孝廉聖年南園社中十
二人之一也逢永嘗有贈蘭妓詩試問蘭妃
下蘭畹青蘭何似紫蘭佳蓋謂喬也又有九
曜山房對梅贈歌者張喬詩而王說作過喬
墓亦為詩云今人薄意氣紅粉死多時惆悵

花林暮荒涼白露滋其慨歎之若此頃見湯
建孟言其少時嘗見諸詩人挽張喬詩及喬
傳墓誌孟陽集為一編載某人栽某花卉而
刻喬遺像其上字畫精麗殊可玩壬戌秋至
戴氏家出先生手書觀之則所錄喬詩
三絕乃喬送已及煙客之作讀之恍然想見
其為人嗟乎文忠忠臣美周六忠臣也喬一
女子而三詩一畫乃藉二公以傳喬一何幸

而得此建孟亦有喬所画蘭一幅予謂建孟
盍題詩其上並以贈余余將從戴氏乞取
所書三詩並陳中洲給諫之跋裝演為一
大軸出入提攜以為吾忘憂蠲忿之一物焉
中洲者文忠之弟亦南園社人之一吾他日
復修南園詩社又將以此為風雅嘉話矣屬
祖如索詩為報因賦六章以答其意喬字二
喬廣州人

自來忠潔者香艸最情深况出佳人手芳馨直
至今數莖繞作態一朵已生心尺幅風流在相
貽愧所欽

珠江如錦水亦有薛家濤白紵徵吳曲紅箋出
楚騷長因蘭蕙艸益見鳳皇毛相國多憐惜題
詩綵筆勞

碧血成黃土紅顏化紫烟心香花上發手澤扇
頭妍秘賞勞之子珍藏積有年紫莖將綠葉長

託畫圖傳

相國真書少銀鈞為紫鴛美令紈扇貴忠使墨
花香松柏歌難歇蘭蓀恨正長義公魂魄在應
倚杜秋娘

美人魂葉葉終古託忠貞白璧譏元亮梅花笑
廣平離騷能好色太上豈忘情出入吾懷袖應
高畫苑名

誰知蘭麝土花冢即花田有影隨蝴蝶無聲與

子鵑画空留兩幅詩已失諸篇割愛持相贈知
君是好賢

鈕玉樵諱琇
吳江人

張麗人傳

麗人姓張氏其母吳倡也以善詩轉籍入粵生
麗人體貌瑩潔性質明慧幼即能記歌曲尤好
詩詞每吟唐人銅雀春深之句自名二喬客或
語二喬雙稱也不如呼為小喬丽人應聲曰兼

金雙髻名有相當因笑指鏡中影曰此亦一喬也于是二喬之名艷稱於時庶人稍長其母將擇伶之美者贅焉仙城豪貴謀為落籍有以三斛珠挑之者庶人堅不為動長歎辭曰我母愛我不可鬻離且已委身字人蝶粉可污燕巢終在不聊勝於入他人手吼獅換馬又隨風漂泊哉年甫及笄麗人隨諸伶於村墟賽神作劇夜宿水二王廟夢王刻期聘之為妃醒以語其母

泣然淚下拍板而誦羅郎比紅諸紀宛轉悲愴及期無疾而逝粵人誌其墓曰嗟乎予

知麗人故不屈於勢者王何由致之豈洛水凌波乃符銅雀之讖耶若夫粉黛何假美人何真艷色等空春花易謝後之過者知為丽人埋香處明月為鏡清風引簫好鳥和歌蛺蝶自舞徘徊其間倘有霧鬢風鬢一唱三歎者出焉能不為傳書之柳毅乎

梁霧長

諱麟生號城根順德人

百花冢

已許通仙籍終難別世塵
留將明月魄飛作越山春
紅霧長封徑香風欲贈人
素馨墳不遠千古是佳鄰

憐汝非顏色聰明衆所知
言陪文字宴高席抗風時
淡墨王香卷新聲芍藥詩
未應仙化畫篋衍有人司

夜泊沙腰讀張二喬蓮香集

美人詩句好千里亦攜來
泊岸夜將半焚香卷屢開
月痕涵遠水霜氣結寒梅
猶似芳林暮明粧鬪艸回

梁東長

諱法祖順德人

百花冢

傳是百花冢今來不見花
幽芳仍石碣寂莫噪昏鴉
艷曲通流水殘脂幻彩霞
香魂應有伴忍

尺素馨斜

陳于吼

諱份號古村順德人

張喬墓

種花人去已多時
空剩閒花三四枝
可是同心能不死
冢頭春雨放山梔

羅履先

諱天尺號石湖順德人

覽梁二靈長所得
庶人張喬蓮香集
因用屈華夫先生
答龐祖如贈張庶
人画蘭詩

韻

補銘憑太僕
跋画見秋濤
香艸有餘怨
忠臣半入騷
夢辭河伯聘
釵陋孔禽毛
賴有墳間艸
抽心不憚勞

伯鸞高潔士
竈突久無烟
不惜千緡貴
裝成四帙妍
麗顏宜早死
佳句自長年
不盡彭公子
瑤篇肯為傳

白雲坳不遠
千古瘞孤鴛
薄命同文士
離魂結

異香尋春人到少
耽寂夢偏長
亦有看花客
題詩贈四娘

華夫天下士
抱恨隔桑田
高義題湘卷
春心托杜鵑
網羅空一代
粉黛失諸篇
我欲重開社
南園示後賢

陳端修 諱統作順德人

讀蓮香集擬訪百花冢

蓮香猶未瘞
埃塵彷彿梅
坳送美人
詞客共吟

腸斷句青山
高葬月明身
遙知石徑迷
芳艸正想東風
嫁好春
聞道繁華過
冢上一天紅
霧見精神

豐碑名姓屬
名流
花落花開春
復秋
弔古夢尋雲外
嶺選詞身坐
海邊樓
夜闌人靜歌
千疊水
複山重擬一
舟安得相公
分白打為卿
持與薦

芳卹

陳子洪 諱官香山人

讀蓮香集擬訪百花冢

十載情鍾生死關
忍教殘蠹沒紅顏
芳心已結燈邊影
春恨難銷夢裡山
漢殿客尋香艸去
花田人載素馨還
孟陽已矣卿卿老
情短情長宵盡刪



